



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN

Numri i lëndës: 2021:224432

Datë: 03.06.2022

Numri i dokumentit: 03095293

K. Nr. 1007/21

Gjykata Themelore Gjilan, Departamenti i Përgjithshëm-Divizioni për Kundërvajtje, Gjyqtari Menderes Behluli, duke vendosur në procedurën kundërvajtëse kundër të pandehurit L.S nga fsh.K. Gjilan, për shkak të veprës kundërvajtëse të paraparë dhe sanksionuar me dispozitat e nenit 36 paragrafi 3, të Ligjit mbi Pyjet nr- 2003/3, Ligjit nr-2004/29 dhe nenit 14, të Ligjit nr., 03/L 153/2010, mbi ndryshimin dhe plotësimin e Ligjit nr, 2003/3 për Pyjet e Kosovës i Kuvendit të Kosovës, e konform nenit 55 pika 1 dhe 2, 86, 119, dhe 124, të Ligjit mbi Kundërvajtjet, me datë **03.06.2022** shpallë këtë:

A K T G J Y K I M

Kundër të pandehurit L.S nga babai..., i lindur me datë 22.09.1996, në fsh..... K. Gjilan, me numër personal:....., ku edhe jeton, shqiptar, shtetas i Republikës së Kosovës, i pa martuar, i pa punë, me gjendje të dobët ekonomike.

Ë S H T Ë P Ë R G J E G J Ë S

Sepse me datën **21.09.2021** rreth orës **14:45min**, është takuar në territorin e fshatit Pogragj, në vendin e quajtur “.....”, duke prerë me sharrë motorike dru të njoma bungu, ku kishte prerë 104 copa, me diametër 8-10cm dhe gjatësia 5 m, vëllimi të përgjithshëm 1.75 m³, i ka grumbulluar në troqe për bartje të më vonëshme, e që agjensioni pyjor të Kosovës i ka shkaktuar dëm në shumë prej 224.00 euro

- me ç ‘veprim ka kryer veprën kundërvajtëse, të paraparë dhe sanksionuar me dispozitat e nenit 36 paragrafi 3, të Ligjit mbi Pyjet nr- 2003/3, Ligjit nr-2004/29 dhe nenit 14, të Ligjit nr. 03/L 153/2010, mbi ndryshimin dhe plotësimin e Ligjit nr, 2003/3, për Pyjet e Kosovës i Kuvendit të Kosovës, andaj

D Ë N O H E T

Me dënim me gjobë në larësi prej **100 (njëqind) €**, të cilën gjobë i pandehuri është i obliguar ta paguaj në afatin prej 15 ditësh, nga dita e plotfuqishmërisë së këtij aktgjykimi, nën kërcënim të përmbarimit me dhunë në kuptim të nenit 163p. 3 të LK.

I pandehuri obligohet që në emër të paushallit gjyqësor t'i paguajë kësaj gjykate shumën prej **5 €**, në afat të njëjtë sikurse gjobën, konform nenit 109 paragrafi I pika 6, të LMK-së.

Nga një kopje e aktgjykimit t'iu dorëzohet palëve në procedurë.

A r s y e t i m

A.P.K-ja, në Gjilan, me datën **22.09.2021**, ka paraqitur kërkesën me nr. **171/21**, për inicimin e procedurës kundërvajtëse, kundër të pandehurit të lartshënuar dhe ka kërkuar që i njëjti të shpallet fajtor dhe ndëshkohet sipas ligjit.

Gjyqtari shqyrtoi kërkesën dhe konstatoi se e njëjta është e ligjshme.

Gjykata me qëllim të vërtetimit të plotë të gjendjes faktike mori në pyetje të pandehurin më datën **23.03.2022**, i cili deklaroi se është e vërtetë se me datë **21.09.2021** në ora **14:45 min**, në territorin e Fsh. Pogragj, vertetë ishte shkuar në pyell shtetëror për ti marr disa drunë të thata por nuk e përjashtohet mundësia se ka prerë ndonjë dru të njom, të thyer nga fryma dhe ishte shkuar për ti marrë për nevoja familjare, shfrytëzim për djegëje, pasi që është i pa punë, pa të ardhura, mbajtës familjarë, me kushte të vështira materiale dhe lut gjykatën që nundësisht kësaj here ti shqiptoj një dënim sa më të vogël.

Gjyqtari për vërtetimin e gjendjes faktike mori në pyetje edhe personin zyrtar, pylltarin O.I, në cilësi në e dëshmitarit i cili deklaroi se është e vërtetë se me **dt. 21.09.2021**, në orën **14:45min**, të lartëpërmendurin e ka takuar në territorin e fshatit Pogragj në vendin e quajtur "Jastrabac" ku ishte duke bërë grumbullimin e drunjve të bungut ku i kishte prerë me sharrë motorike 104 copa, me diametër 8-10cm, me lartësi 5 m, të pa vulosura dhe pa dokumnetacion përkatës, e që agjencionit pyjor i ka shkaktur dëm prej 224.00 euro

Andaj gjykata pas shqyrtimit të shkresave të lëndës, deklaratës së të pandehurit dhe deklaratës së dëshmitarit erdhi në përfundim se në veprimet e të pandehurit ekzistojnë prova të mjaftueshme, se i pandehuri është kryerës i veprës kundërvajtës prerje dhe-transportimi ilegal i druve, vepër kjo e paraparë dhe sanksionuar me dispozitat e nenit 36 paragrafi 3, të Ligjit mbi Pyjet nr- 2003/3, Ligjit nr-2004/29 dhe nenit 14, të Ligjit nr. 03/L 153/2010, mbi ndryshimin dhe plotësimin e Ligjit nr, 2003/3 për Pyjet e Kosovës të aprovuar nga Kuvendit i Kosovës, për të cilën të njëjtin e shpalli përgjegjës dhe e ndëshkoi si në dispozitiv të këtij aktgjykimi.

Gjyqtari me rastin e shqiptimit të dënimit, pati parasysh peshën dhe pasojat e veprës kundërvajtëse, rrethanat lehtësuese dhe rënduese konform nenit 31 p 1 të LMK-së, dhe të njëjtit i shqiptoi këtë dënim nën minimumin e paraparë ligjor konform nenit 35 të LMK-së, me

bindje se edhe me një dënim të këtillë do të arrihet efekti i dënimit tek i pandehuri që në të ardhmen mos të kryej vepra të tilla kundërvajtëse .

I pandehuri obligohet që në emër të paushallit gjyqësor t'i paguajë kësaj gjykate shumën prej 5 €, në afat të njëjtë sikurse gjobën, konform nenit 109 paragrafi I pika 6, të LMK-së.

Nga të cekurat e mësipërme u vendos si në dispozitiv të këtij aktgjykimi

Gjykata Themelore Gjilan, Departamenti i Përgjithshëm
Divizioni për Kundërvajtje,
Me datë 03.06.2022

Praktikantja,
Vjollca Shabani

Gjyqtari,
Menderes Behluli

KËSHILLË JURIDIKE: Kundër këtij aktgjykimi është e lejuar ankesa Gjykatës së Apelit Divizioni për Kundërvajtje në Prishtinë, në afat prej 8 ditësh nga dita e marrjes së këtij aktgjykimi. Ankesa dorëzohet përmes kësaj gjykate.